



SLUŽBENE NOVINE

KANTONA SARAJEVO

Godina XVIII – Broj 14

Četvrtak, 11. aprila 2013. godine
SARAJEVO

ISSN 1512-7052

KANTON SARAJEVO

Ministarstvo finansija

Na osnovu člana 3. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 02/12-Prečišćeni tekst), ministar finansija Kantona Sarajevo donosi

INSTRUKCIJU

ZA PROPISIVANJE METODOLOGIJE ZA PODNOŠENJE ZAVRŠNOG IZVJEŠTAJA O ZAVRŠETKU PROJEKTA

Član 1.

Ovom instrukcijom propisuje se metodologija i način podnošenja završnog izvještaja o implementaciji i završetku projekta (u daljem tekstu: završni izvještaj), od strane resornog ministarstva i implementirajuće institucije nadležnih za implementaciju razvojno-investicionih projekata (u daljem tekstu: resorno ministarstvo).

Član 2.

Resorna ministarstva imaju obavezu podnošenja završnog izvještaja za projekte koji se finansiraju iz kredita, donacija, sufinansiranjem iz Budžeta Kantona Sarajevo, vlastitim učešćem i drugih izvora u roku od 90 dana od dana završetka projekta.

Završni izvještaj se podnosi Vladi Kantona Sarajevo (u daljem tekstu: Vlada) u formi propisanoj na "Obrascu 1" - Završni izvještaj koji je sastavni dio ove instrukcije.

Prije upućivanja Vladi resorno ministarstvo završni izvještaj dostavlja se Ministarstvu finansija Kantona Sarajevo na mišljenje. Ministarstvo finansija dužno je u roku od 20 dana od datuma prijema dati mišljenje o završnom izvještaju sa finansijskog aspekta utroška sredstava iz svih izvora, odnosno planiranih i izvršenih u budžetu Kantona.

Član 3.

Stalna sredstva nabavljena iz izvora iz člana 2. stav (1) ove instrukcije, a koja su u vlasništvu resornih ministarstava evidentirani će se na osnovu naloga za knjiženje - Obrascu 3 u Glavnoj knjizi Trezora i pomoćnoj knjizi stalnih sredstava.

Lista stalnih sredstava nabavljenih iz izvora iz naprijed navedenog člana 2. stav (1) je sastavni dio završnog izvještaja - Obrascu 1.

Za opremu nabavljenu za potrebe projekta koja se ustupa krajnjim korisnicima prije podnošenja završnog izvještaja, resorno ministarstvo je dužno sačiniti ugovor o prenosu ili davanju na korištenje uz obavezu klauzulu kontrole kvalitetnog korištenja opreme odnosno oduzimanja opreme i dodjeljivanje opreme i dodjeljivanja drugom korisniku.

Član 4.

Sastavni dio završnog izvještaja je dokumentacija o izgrađenom objektu, nabavljenoj opremi ili drugoj kategoriji projekta, ugovori o eventualnom prenosu na krajnje korisnike, kao i naloga za knjiženje - Obrazac 3 i analitičke kartice nabavljenog sredstva, iz kojih se vidi da su sredstva uknjižena na resorno ministarstvo.

Član 5.

Ova instrukcija stupa na snagu danom donošenja, i objavit će se u "Službenim novinama Kantona Sarajevo".

Broj 08-01-05-6366/13
18. marta 2013. godine
Sarajevo

Ministar
Muhamed Kozadra, s. r.

ZAVRŠNI IZVJEŠTAJ

PODACI O PROJEKTU	
<i>Naziv projekta</i>	
<i>Vrsta projekta</i>	1. investiciono-razvojni 2. institucionalno-razvojni
<i>Nosilac projekta (resorno ministarstvo)</i>	
<i>Implementator projekta (ukoliko je različit od nosioca projekta)</i>	
<i>Vrijednost projekta</i>	
<i>Korisnik projekta</i>	
<i>Ciljevi projekta</i>	
<i>Tok implementacije projekta (kratak opis realizacije projekta i izvršene obaveze iz memoranduma, ugovora ili sporazuma)</i>	
<i>Efekti projekta</i>	
<i>Ispunjenje ciljeva projekta (opisati)</i>	
<i>Datum početka projekta</i>	
<i>Datum završetka projekta</i>	

FINANSIJSKA KONSTRUKCIJA

Izvori finansiranja (*Finansijer: - WB - EBRD - EIB - KfW - Ostali ino finansijeri (IPA i drugi) - Domaće banke - Budžet (FBiH, kantona, grada, općine) ** Način finansiranja: - ino ili domaći kreditor ili donacija, - sufinansiranje iz budžeta, - vlastiti učešće, ostalo)	Finansijer*	Način finansiranja**	Broj sporazuma (za kredit ili donaciju)
Ukupno utrošena sredstva za realizaciju projekta (po izvornu finansiranja)	_____ KM		
Prikaz utrošenih sredstava Po kategorijama projekta sa izjavom ovlaštene osobe o tačnosti navedenih podataka	Kategorija (nabavka roba, radovi, tehnička pomoć, operativni troškovi, ostali kategorije-navesti svaku kategoriju posebno)	Iznos u KM	

PROVOĐENJE PROJEKTA

Kratak opis realizacije projekta i izvršene obaveze iz memorandum, ugovora ili sporazuma

OSTVARENI EFEKTI	
<i>Ciljevi projekta</i> 1. 2.	Ostvareni ciljevi projekta rezultat
<i>Razlozi eventualnog odstupanja od očekivanih ciljeva projekta</i>	
<i>Evidentirana knjigovodstvena vrijednost investicione imovine</i>	Oprema objekti ostalo(navesti)
<i>Razlozi odstupanja ostvarenih od očekivanih ciljeva</i>	
<i>(Ukupno: Ukupnomu dobiti)</i>	
AUTORIZACIJA IZVJEŠTAJA	
<i>Izveštaj sačinio</i>	
<i>Potpis i ovjera</i>	
<i>Datum i mjesto</i>	